



COMUNIDADE DE TRABALLO GALICIA – NORTE DE PORTUGAL


MEMORANDO PARA O IMPULSO DA COOPERACION

A cooperación entre Galicia e a Rexión Norte de Portugal foi de sempre unha das mais vizosas das existentes entre os entes subestatais da Comunidade Europea. Froito desa realidade, a Xunta de Galicia e a Comisión de Coordenación e Desenvolvemento Rexional do Norte de Portugal constituíron a Comunidade de Traballo Galicia - Norte de Portugal, a medio do acordo celebrado en 1991, que foi un motor da cooperación entre ámbolos dous territorios. O Tratado sobre cooperación transfronteriza entre entidades e instancias territoriais (Valencia, 3 de outubro de 2002) conlevou a necesidade de axeitar os instrumentos de cooperación territorial ao novo marco normativo, o que no caso desta Comunidade de Traballo tivo lugar en 2006.

Si nun primeiro momento so formaban parte da Comunidade de Traballo os representantes das administracións rexionais, paulatinamente foron incrementándose os seus membros, ata incluír, ademais do Eixo Atlántico do Noroeste Peninsular -que é a voz urbana, das cidades de Galicia e o Norte de Portugal-, ás Comunidades Territoriais de Cooperación, como representación dos concellos e cámaras municipais mais próximos á fronteira.

Esta situación levou a unha posición de liderazgo, mesmo a nivel europeo, á Eurorrexión Galicia – Norte de Portugal, como de feito foi recoñecido pola propia Comisión Europea no ano 2004. Non embargantes, a nova situación da Unión Europea, derivada da ampliación, así como o crecente dinamismo social e económico da Eurorrexión, aconsellaban acometer unha primeira reforma da Comunidade de Traballo, adaptándoa ao concepto de "cooperación de segunda xeración", que foi definido por primeira vez no ano 2005 por quen fora presidente da Comisión de Coordenación e Desenvolvemento Rexional do Norte, o profesor Luís Braga da Cruz.

Este concepto foi asumido inmediatamente polos responsables da Comunidade de Traballo e polos sucesivos gobernos nacionais que reforzaran a sua acción ao unísono, tanto no desenvolvemento do concepto político como na plasmación das accións operativas del derivadas.





Definición das propostas

As demandas sociais xeradas ao longo dos últimos anos, a emerxencia de novos axentes de cooperación extremadamente activos, como é o caso da Eurocidade Chaves – Verín, e un calendario condicionado pola elaboración das propostas políticas e financeiras comunitarias para o período 2014 – 2020, tarefa que será asumida pola nova Comisión europea que será nomeada a finais deste ano, fan imprescindible o relanzamento da Comunidade de Traballo, para que asuma de novo un papel vertebrador das relacóns, coordinando as actuacóns, intervindo en novos ámbitos e liderando aos distintos actores. Trátase agora de intensificar a participación da Comunidade de Traballo en tódolos ámbitos relacionados coa cooperación transfronteiriza, proxectándoa como un dos interlocutores privilexiados en Europa para estas materias.

Este documento evidencia, sen ningún xénero de dúbidas, o compromiso político inequívoco da Xunta de Galicia e da CCDR-N nesta dirección. Compromiso que se comezará a artellar nos próximos tempos mediante un grupo de reflexión que prepare o documento base coas modificacóns operacionais e as novas liñas políticas que a Comunidade de Traballo asumirá, en tanto que órgano político da Eurorrexión, e para que redefina a Agrupación Europea de Cooperación Territorial, en tanto que órgano de xestión e para a concreción dos acordos emanados do citado órgano político, sempre privilexiando a actuación no contexto da cooperación de segunda xeración.

Ámbitos como os clusters do Mar, do Téxtil, do Automóbil, o transporte de proximidade nas zonas de fronteira, os recursos naturais dos que o río Miño e a reserva da biosfera UNESCO correspondente ao Parque Gerês/Xurés son exemplos, a atención sanitaria, a educación, as novas tecnoloxías e TIC's, os parques empresariais e polígonos loxísticos, a atención á mobilidade laboral, tan característica da nosa Eurorrexión neste particular momento sócio-económico, e por suposto a cooperación social e cultural, especialmente na súa vinculación co turismo, tendo en conta en especial a continuidade no tempo entre o Xacobeo 2010 e a Capitalidade Cultural Europea de Guimarães no 2012 e a conexión ferroviaria de Alta Velocidade, que se configura como gran elemento vertebrador no urbano e dinamizador no económico da Eurorrexión e do seu sistema urbano, son elementos sobre os que necesariamente se debe reflexionar e trazar, coa maior brevidade, as súas liñas operativas de concreción.

Pero tamén este documento asume o compromiso de reforzar a participación de tódolos membros da Comunidade de Traballo, como o Eixo Atlántico do Noroeste Peninsular e das Comunidades Territoriais de Cooperación, así como a integración





doutros actores que, como no caso da Eurocidade Chaves – Verín, das Universidades ou das institucións vinculadas no ámbito da xuventude, xogan un papel importante no ámbito da vertebración da Eurorrexión Galicia – Norte de Portugal.

Mención especial cómpre facer do Eixo Atlántico do Noroeste Peninsular e da súa aportación a este proceso común, tanto pola súa singularidade como polo seu dinamismo, que non so o converteron nunha entidade de referencia no eido da cooperación, senón que xoga un papel de liderazgo no artellamento das redes transfronteirizas de autoridades locais, existentes tanto no ámbito ibérico como no europeo.

Esta cooperación entre a Xunta de Galicia, e a CCDR-N, no seo da Comunidade de Traballo, incrementada polas aportacións do resto das entidades, así como a colaboración entre a Comunidade de Traballo, o Goberno Portugués e o Goberno Español, deben permitir configurar unha acción perante das instancias europeas, de modo a que as necesidades políticas e financeiras da Eurorrexión Galicia – Norte de Portugal, do seu sistema urbano, das súas Universidades e dos seus Axentes económicos e sociais, se vexa reflectida nas directrices europeas do próximo período de programación 2014 – 2020.

Este é o compromiso político que se asina entre o Presidente da Comisión de Coordinación e Desenvolvimento Rexional do Norte de Portugal e Presidente de turno da Comunidade de Traballo, Dr. Carlos Lage, e o Presidente da Xunta de Galicia, D. Alberto Núñez Feijóo, na cidade de Porto, hoxe día 7 de xullo de 2009.

O Presidente da Comisión de
 Coordinación e Desenvolvimento
 Rexional do Norte de Portugal

Dr. Carlos Cardoso Lage

O Presidente da Xunta de Galicia

D. Alberto Núñez Feijóo